

FORSETA BRÉF

um þinglausnir.

6

23. jan.

FORSETI ÍSLANDS

gjörir kunnugt:

Að ég með bréfi þessu veiti forsætisráðherra Steingrími Steinþórssyni umboð til þess að slíta Alþingi, 71. löggjafarþingi, er það hefur lokið störfum.

Gjört í Reykjavík, 23. janúar 1952.

Sveinn Björnsson.

(L. S.)

Steingrímur Steinþórsson.

L Ö G

um breyting á bifreiðalögum, nr. 23 16. júní 1941.

7

24. jan.

FORSETI ÍSLANDS

gjörir kunnugt: Alþingi hefur fallizt á lög þessi og ég staðfest þau með samþykki mínu:

1. gr.

36. gr. 1. mgr. laganna orðist svo: Sérhverjum bifreiðareiganda er skylt að kaupa í tryggingafélagi, sem viðurkennt er af ráðherra þeim, sem fer með tryggingamál, og halda við tryggingu fyrir bifreið sína, er nemi 150000 kr. fyrir tvíhjóla bifreiðar og 300000 kr. fyrir fjórhjóla bifreiðar. Skal með því tryggð greiðsla, að því leyti sem til hrekkur, á hverri þeirri skaðabótakröfu, er gerð kann að vera á hendur öku-
manni bifreiðar eða þeim, sem ábyrgð ber á bifreiðinni, þegar slys eða tjón ber að höndum.

2. gr.

36. gr. 2. mgr. orðist svo: Fyrir bifreiðar til mannflutninga skal tryggingarupp-
hæðin þó aldrei nema minna en sem svari 25000 krónum á hvern farþega, sem heimilt er að flytja í bifreiðinni.

3. gr.

Á eftir 3. mgr. 36. gr. laganna komi ný málsgrein, svo hljóðandi:

Tryggingafélögum, sem annast bifreiðatryggingar, skal skylt að halda bókhaldi lögboðinna bifreiðatrygginga sérgreindu. Sameiginlegur rekstrarkostnaður trygginga-
félagsins skal reiknast hinum lögboðnu bifreiðatryggingum hlutfallslega eftir upp-
hæðum iðgjaldagreiðslna. Reikningar hvers tryggingafélags yfir lögboðnar bifreiða-
tryggingar skulu endurskoðaðir af 2 endurskoðunarmönnum, sem dómsmálaráðherra skipar til þess, annan þeirra eftir tilnefningu frá samtökum bifreiðaeigenda, Vörubí-
stjórafélaginu Þrótti, Bifreiðastjórafélaginu Hreyfli, Félagi sérleyfishafa og Félagi ís-
lenzkra bifreiðaeigenda. Laun endurskoðenda skulu greidd af viðkomandi trygginga-
félagi eftir ákvörðun dómsmálaráðherra. Rekstrarreikning hvers árs yfir lög-
boðnar bifreiðatryggingar skal tryggingafélag birta í Lögbirtingablaðinu eigi síðar
en 1. okt. næsta ár á eftir. Telji endurskoðunarmenn, að á reikning lögboðinna bif-

7 reiðatrygginga séu færð gjöld, sem ekki eiga þar heima, ber þeim að gera athugasemdir um það, og séu þær ekki teknar til greina af tryggingafélagi, ber að birta athugasemdirnar í Lögbirtingablaðinu með rekstrarreikningi ásamt svörum félagsins þar að lútandi. Dómsmálaráðherra setur nánari reglur um gerð reikninga tryggingafélaga og endurskoðun þeirra og birtingu.

4. gr.

Lög þessi öðlast gildi 1. maí 1952.

Gjört í Reykjavík, 24. janúar 1952.

Sveinn Björnsson.

(L. S.)

Bjarni Benediktsson.

8

L Ö G

24. jan.

um breyting á jarðræktarlögum, nr. 45 17. maí 1950.

FORSETI ÍSLANDS

gjörir kunnugt: Alþingi hefur fallizt á lög þessi og ég staðfest þau með samþykki mínu:

1. gr.

Á eftir VII. c. í 11. gr. laganna komi nýir stafliðir, þannig:

d. Garðávaxtageymslur, steyptar, með þaki úr varanlegu efni, kr. 5.50 pr. m³.

e. Garðávaxtageymslur úr öðru efni, kr. 3.00 pr. m³.

2. gr.

Í stað „1952“ í 3. málsg. bráðabirgðaákvæða laganna komi: 1954.

3. gr.

Lög þessi öðlast þegar gildi.

Gjört í Reykjavík, 24. janúar 1952.

Sveinn Björnsson.

(L. S.)

Hermann Jónasson.

9

AUGLÝSING

25. jan.

um meðferð forsetavalds.

Vegna andláts herra Sveins Björnssonar forseta Íslands, hinn 25. janúar 1952, fara forsætisráðherra, forseti sameinaðs Alþingis og forseti hæstaréttar með forsetavald samkvæmt 8. gr. stjórnarskrárinnar, unz forseti hefur verið kjörinn.

Í forsætisráðuneytinu, 25. janúar 1952.

Steingrímur Steinþórsson.

Birgir Thorlacius.